



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 400

fax. +387 33 726 414

e – mail: info@voda.ba

Broj: **UP-1/21-1-40-092-4/22**

Datum: 19.04.2022. godine

«Agencija za vodno područje rijeke Save» Sarajevo rješavajući po zahtjevu Investitora JU „Zavod za prostorno uređenje” Bihać, za izdavanje prethodne vodne saglasnosti za izgradnju saobraćajnice sa komunalnom infrastrukturuom, spoj magistralne ceste M5 sa poslovnom zonom Ripač, preko željezničkog kolosijeka pruge Bihać-Knin, u naselju Ripač, grad Bihać, na osnovu člana 109. stav (1) tačka 9. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99) **donosi**

RJEŠENJE **o prethodnoj vodnoj saglasnosti**

1. Daje se prethodna vodna saglasnost podnosiocu zahtjeva JU „Zavod za prostorno uređenje” Bihać, za izradu projektne dokumentacije za izgradnju saobraćajnice sa komunalnom infrastrukturuom, spoj magistralne ceste M5 sa poslovnom zonom preko željezničkog kolosijeka pruge Bihać-Knin, u naselju Ripač, grad Bihać, na parceli označenoj kao k.č. 504, 505/1, 523/3 i 523/4 K.O. Ripač, te dionice magistralnog puta M-5 na spoju sa novoplaniranom saobraćajnicom na parceli označenoj kao k.č.1008 K.O. Ripač, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod sljedećim uvjetima:
 - 2.1. Izraditi i revidirati investiciono-tehničku dokumentaciju za radove iz tačke 1. ovog Rješenja u dijelu koji se odnosi na zaštitu od voda i zaštitu voda, na nivou potrebnom za pribavljanje odobrenja za građenje, u kojoj će se dati tehnička rješenja prikupljanja i konačne dispozicije oborinskih voda sa saobraćajnice (vanjska i unutrašnja odvodnja), regulacije i uređenja vodotoka u cilju eliminiranja negativnih uticaja po režim voda koji nastaju kao posljedica izgradnje lokalne saobraćajnice i spoja magistralne ceste sa pratećim objektima, te dimenzioniranje propusta, provjeru uslova obezbjeđenja proticaja utvrđenih velikih voda $Q_{1/100}$ kroz otvore propusta, sve u skladu sa propisima koji važe za ovu vrstu radova.

Investiciono-tehnička dokumentacija treba biti izrađena i revidirana od strane pravnih lica koja imaju ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»), u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08) i članom 5. stav (2) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH”, broj 31/15, 55/19 i 41/20).
 - 2.2. U sklopu projekta treba dati hidrološki proračun kojim će se definirati količine vode koje se mogu pojaviti u formi oborina i osigurati bezbjedno prikupljanje, tretman i oticanje u krajnji recipijent, rijeku Unu.
 - 2.3. Napraviti analizu i odrediti prostorni i visinski položaj planirane saobraćajnice za slučaj pojave velikih voda, ranga 1/100 godina, za vodotok Une na predviđenoj trasi, čije velike vode potencijalno ugrožavaju cestovni saobraćaj, ili su u koliziji sa planiranom trasom ceste.
 - 2.4. Projektnom dokumentacijom treba definisati način prikupljanja i ispuštanja onečišćenih oborinskih voda sa saobraćajnica i pripadajućih površina magistralne ceste kao i prihvatanje i transport vanjskih voda sa gravitirajućih slivnih površina, drenažnog sistema, i slično.
 - 2.5. Prije ispuštanja prikupljenih zauljenih voda i voda opterećenih suspendovanim materijama koje otiču sa saobraćajnica potrebno je predvidjeti odgovarajući tretman (taložnice, ili drugi odgovarajući tretman) nakon kojeg se efluent ispušta u recipijent.

- 2.6. Definirati, situaciono prikazati mjesta ispusta u predviđeni recipijent te dati osnovne podatke o recipijentu. Ako je predviđeno da recipijent oborinskih voda sa trupa magistralne ceste bude kolektor javnog gradskog kanalizacionog sistema, potrebno je pribaviti odobrenje za priključenje od strane operatora istog.
- 2.7. Projektna rješenja koja se odnose na izgradnju propusta i ispusta iz sistema za odvodnju i tretman oborinskih voda sa kolovoznih površina izvesti na način da se ne ugrozi okolno zemljište i objekti kao i da se ne pospješi erozija korita recipijenta u koji se ove vode upuštaju ili negativno utiče na njegov proticajni profil.
- 2.8. Za izgradnju sabirnih kanala ili drugih objekata za odvodnju oborinskih voda preko zemljišta koje je u vlasništvu fizičkih ili pravnih lica ili ispuštanje oborinskih voda u kanale ili druge odgovarajuće objekte u vlasništvu fizičkih ili pravnih lica, potrebno je, u skladu sa članom 150. Zakona o vodama, pribaviti odgovarajuću saglasnost od istih.
- 2.9. Trasa poveznice ceste treba da bude usklađena sa ostalom infrastrukturom (elektro, gasovodi, vodovod, telefon i sl.), a za sve eventualne kolizije i ukrštanja sa istom, treba se pribaviti saglasnost sa vlasnikom infrastrukturnih objekata ili organizacijom koja njime upravlja.
- 2.10. U projektnoj dokumentaciji definisati lokalitete – pozajmišta materijala sa kojih će se dovoziti materijal za trup ceste, odnosno lokalitete na kojima će se odlagati višak materijala iz iskopa. Nije dozvoljeno deponovanje materijala uz obale vodotoka i u vodnom dobru. Deponovanje materijala rješavati na način da se ne remeti prirodni režim površinskih i podzemnih voda.
- 2.11. U postupku izrade projektne dokumentacije zatražiti mišljenje stručnih službi Grada Bihaća, koje se odnosi na trasu magistralne ceste u odnosu na položaj zaštitnih zona postojećih izvorišta vode za piće i na osnovu dobivenih podataka provesti analizu mogućeg negativnog utjecaja saobraćajnice u toku njene izgradnje i korištenja kao i eliminiranje / minimiziranje tih uticaja na kvalitativno - kvantitativni režim voda na izvorištima.
- 2.12. Za potrebe izrade projektne dokumentacije, na mjestu ukrštanja sa magistralnom cestom, izvršiti potrebna geodetska snimanja (situacija, poprečni profili, uzdužni profili i dr.) u razmjeri prihvatljivoj za izradu glavnog projekta.
- 2.13. U potrebnom obimu provesti geološke i geomehaničke istražne radove u cilju dobivanja potrebnih geotehničkih parametara, a dobivene rezultate koristiti kao ulazni podatak za projektovanje i dimenzioniranje planiranih objekata za zaštitu od voda.
- 2.14. Sagledati sve moguće neželjene uticaje na planirane objekte za zaštitu od štetnog djelovanja voda, zaštitu voda i planiranih objekata na druge objekte i postrojenja, stečena prava korisnika, postojeću infrastrukturu, naselja i slično, te dati prijedlog mjera za sprječavanje tih uticaja u toku izgradnje i korištenja istih uključujući i standardne i dodatne mjere zaštite.
3. Po izradi investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti.
4. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).

Uz zahtjev se prilaže:

- 4.1. Revidovana Investiciono-tehnička dokumentacija zahtijevana tačkom 2. ovog Rješenja.
- 4.2. Rješenje o urbanističkoj saglasnosti i okolinskoj dozvoli (ukoliko predmetna aktivnost podliježe obavezi pribavljavanja iste) za predmetnu saobraćajnicu.
- 4.3. Saglasnost operatora javnog gradskog kanalizacionog sistema za priključak, ako je isti predviđen kao recipijent oborinskih voda.
- 4.4. Dokaz o izvršenoj uplati administrativne takse u iznosu od 60 KM.

5. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju.
6. Ovu prethodnu vodnu saglasnost će Investitor koristiti u postupku pribavljanja okolinske dozvole odnosno urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

JP „Zavod za prostorno uređenje“ Bihać, se obratilo ovoj Agenciji zahtjevom za izdavanje prethodne vodne saglasnosti za izgradnju saobraćajnice sa komunalnom infrastrukturom, spoj magistralne ceste M5, sa poslovnom zonom preko željezničkog kolosijeka pruge Bihać-Knin, u naselju Ripač, grad Bihać, a u postupku ishodovanja urbanističke saglasnosti i okolinske dozvole.

Uz zahtjev je dostavljen:

- Kopija ovjerenog Aktuelnog izvoda iz sudskog registra, matični broj upisa 2-167 od 122.02.2018. godine; izdan od strane Općinskog suda u Bihaću,
- Kopija ovjerenog Uvjerjenja o poreznoj registraciji; izdano od strane Federalnog ministarstva finansija - Porezne uprave Federacije BiH – Kantonalni ured Bihać, dana 01.06.2006. godine,
- Ovjerena kopija rješenja, kojim se investitoru JU Zavod za prostorno uređenje Bihać, daje odobrenje za izgradnju priključka pristupne saobraćajnice na magistralnu cestu M-5, izdato od strane JP Ceste Federacije BiH broj: UP-01-02.3-23-101/21-AM od 11.06.2021. godine,
- Kopija Rješenja kojim se daje urbanistička saglasnost JU Zavod za prostorno uređenje Bihać, za izgradnju saobraćajnice sa pratećim sadržajima – cestovna poveznica magistralne ceste M-5 – poslovna zona Ripač, izdato od strane Službe za urbanističko planiranje, građenje, imovinsko-pravne i geodetske poslove Grada Bihaća pod brojem: 03/1-19-1-2861/21 od 06.07.2021. godine,
- Kopija katastarskog plana UR BROJ: 03/3-26-1160/2021-2 od 05.11.2021. godine, sa PL 265, 260, 104, 97, i 1246 K.O. Ripač,
- Kopija katastarskog plana UR BROJ: 03/3-26-1364/2021-4 od 05.01.2022. godine, sa PL 1036, 94, i 100 K.O. Ripač,
- Studija za prethodnu vodnu saglasnost za izgradnju saobraćajnice sa komunalnom infrastrukturom, spoj magistralne ceste M 5 – poslovna zona Ripač, izrađena od strane „Routing“d.o.o. Banja Luka pod brojem: 83.200/2021, novembra 2021. godine,
- Zemljišnoknjižni izvadak za parcele u obuhvatu planirane izgradnje saobraćajnice označene kako k.č. 498/1, 361, 497, 528, 546, 850, 851, 852, 853, 858, 859, 860, 969, 994, 1016, 1018, 1021, 1022, 1636, 1733, 1734, 1738, 1741, 1742, 505/1, 504, 523/1, 523/5, 523/3, 523/4, 523/6, 798, 995, 1000, 1001, 1003, 1004, 1005, 1006, 1007, 1214/1, 1745, 1746, 1747, 1748, 1749, 996/3, 996/5, 996/2, 996/4, 996/1, 997/1, 997/2, 996/2, 998/1, i 999, K.O. Ripač; te k.č. 123, K.O. SP_Ripač_Lohovo,
- Dokaz o Uplati za upravne pristojbe u iznosu od 80,00 KM – kopija uplatnice

Nakon izvršenog uvida u dostavljeni zahtjev i priloženu dokumentaciju podneska zahtjeva, utvrđeno je da su uz zahtjev dostavljeni neophodni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama o zahtjevu je dana 23.03.2022. godine obaviještena javnost putem obavještenja na oglasnoj ploči «Agencije za vodno područje rijeke Save» u Sarajevu i Područnog ureda u Bihaću, te u dnevnom listu Oslobođenje. U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

Saobraćajnica - poveznica magistralne ceste M5 sa poslovnom zonom Ripač predstavlja kvalitetno rješenje problema ulaza i izlaza u poslovnu zonu Ripač iz pravaca graničnog prelaza Izačić – grad Bihać, te povezivanje sa magistralnom cestom M5 (Put Armije BiH, bivši put AVNOJ-a,) sa pravcem Jajce – Sarajevo.

Za odvodnju oborinskih voda je predviđena izgradnja zacjevljenog sistema sa slivnim rešetkastim oknima i ispuštom u rijeku Unu. Projektnom dokumentacijom treba definisati način prikupljanja i ispuštanja onečišćenih oborinskih voda sa saobraćajnica i pripadajućih površina magistralne ceste kao i prihvatanje i transport voda sa gravitirajućih slivnih površina, drenažnog sistema, i slično.

Kroz postupak donošenja rješenja o prethodnoj vodnoj saglasnosti je odlučeno o postojanju uvjeta za realizaciju planiranih objekata prema podnesenom zahtjevu i propisani su uslovi koje mora ispuniti projektna dokumentacija koja obrađuje dio koji se odnosi na: prikupljanje i konačnu dispoziciju oborinskih voda sa saobraćajnice, te mjere za umanjeње i sprječavanje negativnih uticaja koji nastaju izgradnjom ovakvog objekta na režim voda (površinskih i podzemnih), eventualnih uticaja na postojeće objekte, stečena prava postojećih korisnika, na planirane objekte i okolinu sa mjerama za ublažavanje tih uticaja.

Na osnovu utvrđenog činjeničnog stanja i dostavljene dokumentacije, a u svrhu omogućavanja korištenja voda i prostora vodnog dobra, te smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, shodno odredbama Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu i propisani uslovi u tački 2. dispozitiva rješenja, koje je Investitor dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje. Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

UPUTA O PRAVNOM LIJEKU

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi. Obradivač akta: Fuad Mujagić, dipl. inž.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl. inž. građ.

Dostaviti:

- JU „Zavod za prostorno uređenje“ Bihać, 502. viteške brigade 3, 77000 Bihać,
- AVP Sava – ISV Vodna knjiga
- Org.jed. 40 – Arhiva
- Oglasna ploča AVP - Sava